

XI. Consequitur ex Regulâ secundâ (1) Legatorum immunitatem non ita coarctandam , ut ab injustâ tantùm vi tuti essent ; in eo enim nil esset præcipui. *Grot. de J. B. & P. L. 2. C. 18. §. 4.* (2) Immunitatem hanc ad Legatorum famulos , & comites necessarios extendendam. *L. 41. §. 3. ff. de excus. tut. L. 7. ff. ad leg. Jul. de vi pub.* (3) Privilium Fratrum Minorum & Prædicatorum , ut ubicunque fuerint cum altari viatico missarum solennia celebrarent , intelligendum , ut præfata indulgentia ad consensum loci Prælatorum (Episcoporum ) adstricta non sit *C. 30. X. h. t.* (4) Sic privilegium , quod Ponticis beneficio Pompeji M. concessum legitur , ut matre Ponticâ natus Ponticus esset *L. 1. §. 2. ad municip.* non restringendum ad solos vulgo quæsitos , sed prorogandum quoque ad legitimos , modò matre Ponticâ oriundi , licet patre extero. (5) militum privilegia extendenda regulariter esse ad Curiones castrenses , Medicos &c. *L. 33. §. 2. ff. ex quib. caus. major.*

## CAPUT III.

### *De Privilegiorum Concursum.*

I. **S**icuti privilegium , dum de certâ concedentis voluntate constat , tutò opponitur illi , qui jure communi contra privilegiatum uti prætendit , ita etiam elanguet contra illum , qui eodem privilegii genere , in eadémque causâ gaudet , quò collineat regula in vulgus nota : *privilegiatus contra æquè privilegiatum non privilegio suo, sed jure communi utitur. Stryck. de Jure privil. contra privileg. C. 1. n. 52.* Cum turmâ Auth. ibi cit. hinc (1) minor adversùs mutuò sumtam ab alio minore pecuniam , ludendóque perditam nequit restitutionem in integrum petere : par enim privilegiatus cum pari concurrit in pari causâ , in quâ consumentis conditio melior est. *L. 34 ff. de minor.* (2) Misérabiles personæ , quæ sive agant , sive convenientiantur , omisso Judice inferiore , statim ad Superiorem provocare possunt ; si verò concurrent inter se , quoad primam causæ audientiam , & cognitionem , ad curiam Principis se se evocare nequeunt ; conquaßatis enim privilegiis standum est Juri communi , *Brunnem. ad L. un. C. quando Imp. Jur. pupill.*

n. 18. (3) Filius familias major alteri filiof. majori mutuam dans pecuniam nil repetit; conquassatis enim privilegiis melior est consumentis conditio L. 11. §. pen. & ult. ff. de min. Zoës. ad tit. de SCt. maced. n. 25. (4) Privilegium filiisfam. concessum quadantenus Civitati & Ecclesiæ competere evincit L. 27. ff. de reb. cred. C. pen. X. de fidej. nempe, ut pariter ex mutuo per administratores contracto non obligentur, nisi probatâ priùs in rem versione. At verò administratores unius civitatis, si crediderint administratoribus civitatis alterius, civitati creditrici ad repetitionem agenti probanda non est versio in rem; obstat enim exceptio paris privilegii. Stryck. de Jure priv. contra privileg. C. 2. n. 47. Idem dicendum in Casu quo Ecclesia creditrix concurrit cum Ecclesia debitrice, aliáve causâ piâ.

II. Fallit Regula primò. Si alter privilegiatorum certet de damno vitando, alter verò de captando lucro, tunc enim privilegia non conquassari, sed illius privilegium, qui de damno vitando certat, prævalere dicendum est. L. fin. ff. ex quib. caus. maj. Siquidem ita fit, ut neuter in damno hæreat, quô quid æquiùs? Hinc (1) Ecclesia contra Ecclesiam non vulgari tempore, sed quadraginta demum annis, non secus, ac privatus quidam, præscriptionem complet. C. 6. C. 8. X. de præsc. (2) Privilegium, quod in Judicio dotis marito competit, ut ultra, quam facere possit, non teneatur, cedit privilegio uxoris, si & ipsa sit egens, cùm certet de vitando damno Carpz. L. 2. tit. 2. resp. 37. (3) idem obtinet in vasallo contra feudi dominum agente, nempe ut beneficium competentiæ cesseret, si & ipse vasallus inops sit. Stryck. in exam. Jur. feud. cap. 25. q. penult. (4) Jacet privilegium SCti Maced., si filiusf. ex mutuo locupletior existat, L. 11. §. pen. & ult. ff. de min.

III. Fallit secundò: si ex diversis privilegiis alterius privilegium generale sit, alterius verò speciale, h.e. si alter speciatim in hac, de qua agitur, causâ privilegium adeptus sit; hoc enim casu omnino privilegiatus in specie utitur suo privilegio contra in genere privilegiatum. Bartol. in Auth. quas act. C. de Ss. Eccles. Sic casu, quo Ecclesia testamento hæres instituitur, aliique Ecclesiæ eodem testamento tot relinquuntur Legata, quæ hæreditatis dodrantem excedant, Ecclesia hæres tanquam in genere privilegiata contra Ecclesiam legatariam in specie

specie privilegiatam quartam falcidiam non detrahit , quia Ecclesia legataria in specie reperitur privilegiata , cùm Ius novum de legatis pīs falcidiam detrahi prohibeat , Nov. 131. C. 12. pr. hæredis autem nulli mentio facta videatur. Pari modo nec pia causa hæres instituta de legato alimentorum dodrantem superante falcidiam detrahit , quia privilegium hoc speciale est , Tiraquel. de privil. pīe caus. priv. 26. Bækm. § 17. ff. ad Leg. Falcid.

IV. Fallit tertio , si privilegia , quæ concurrunt , inæqualis sint roboris ; in hoc enim conflitū , ut̄ solet fieri , potentius infirmiori prævalet. Potentius autem est (1) illud , quod naturale est , & universalius altero , quod accidentale est , & minus universale : sic si concurredat minor cum filiof. aut muliere , prævalet minoris privilegium , quippe naturale , & universalius ideo , quia quisque aliquando minor , non etiam foemina , aut filius familias. Et hinc si à filiof. minorenni mutuam sumiserit pecuniam filiusf. major , hic illi pecuniam repetenti frustra opponit exceptionem SCti Maced. , ut̄ ut̄ pecunia in rem ejus versa non fuerit. L. 11. s. fin. de min. pariter si fidejubente muliere minor crediderit pecuniam , & debitor non solvendo existat , rectè minor mulierem pulsat invanū ad SCtum Vellej. provocantem L. 12. ff. de min. (2) cùm ex unā parte unum , ex alterā duo diversa privilegia stent , hæc prævalent illi ; sic si minor , & causa pia concurrunt cum Fisco , hi contra illum restituuntur in integrum , nam duo vincula fortius ligant , quam unum. (3) si cætera paria sunt , potentius est illud , quod antiquius ; sic casu , quo maritus mortuā primā conjugē ad secunda vota transeat , & moto postea concursu decedat , & ita contingat , ut non tantūm hæredes primæ uxoris , sed superstes quoque vidua ad repetitionem dotis agat , tunc si NB. res in dotem datæ non amplius extent , in hoc concursu duarum mulierum dotem repetentium , dos prioris Uxorū tanquam prior tempore præferenda est doti secundæ uxoris . videsis Stryck. de Jur. privileg. contra privileg.

## CAPUT IV.

*De modis , quibus privilegia extinguantur.*

I. **V**ariis modis , ac quidem (imò) revocatione dantis finiuntur privilegia. L. 100. & 102. ff. de R. J. quod indubium , si adjecta